


Korrika 11 1+1=hamaika



GARI GARAIALDE

Tolosan inauterizale. Mediku plantak egin eta korrika lekuko eramaileari laguntza eskaintzera joan ziren atzo argazkiko bi hauek Tolosan. Bistan denez, baina, neskatoak ez zuen batere laguntzarik behar. Tolosan beti inauterizale.



GARI GARAIALDE

Hernanin korrikalariak oldeka. Goizean goiz igaro zen euskararen aldeko lasterketa Hernanitik; hori ez zen oztopo izan, ordea, jendetza izugarria biltzeko lekukoaren atzetik.



GARI GARAIALDE

EGUNKARIA eta Kontseilua korrika. Andoaingo Martin Ugalde parkean dute bi horiek egoitza nagusia, eta haren parean egin zuten atzo korrika bertako langileek. Pili Kaltzada Kontseiluko Komunikazio arduradunari eta Ainhoa Oiartzabal EUSKALDUNON EGUNKARIAko kazetariari egokitu zitzaizen lekukoa eramatea.



GARI GARAIALDE

Bide erdia baino gehiago egin du lekukoak. Ekitaldi honetako ibilbide luzearen erdia atzo goizaldean egin zuen lekukoak Gaintxurizketako gainean, hain justu. Gero eta gutxiago geratzen zaio Donostiara iristeko.



GARI GARAIALDE

Umeak, parte hartzaile eta ikusle zintzo.

Eguraldia lagun, Gipuzkoako ia ikastetxe guztietako haurrak atzera ziren atzo kalera, Korrikari agur egiteko. Batzuek lasterka hartu zuten parte euskararen aldeko ekimenean; besteek, txikienean, espaloititik, txalo eta txalo egiten agertu zuten euren babesa. Aurreko egunetan zakar poltsekin edo paperekin egindako petoa jantzita, zintzo-zintzo jarraitu zuten Korrika.



GARI GARAIALDE

Furgonetakoak ez dira nekatzen. Lasterka ari direnak ito beharrean izaten dira askotan; haiei animoak ematen dizkietenak, berriz, fresko-fresko. Etenik gabe aritzen dira, egun osoan, oihuka.